

**თანამშრომლობის ხელშეკრულება
საქართველოს ადგილობრივ თვითმმართველობათა ეროვნულ
ასოციაციასა
და თელავის მუნიციპალიტეტის გამგეობას შორის**

№15/16

ქ.თბილისი

16 მარტი 2016 წ.

ერთი მხრივ “საქართველოს ადგილობრივ თვითმმართველობათა ეროვნული ასოციაცია” (შემდგომში „ასოციაცია“) წარმოდგენილი მისი პრეზიდენტის-**დავით ჯიქიას** სახით და მეორე მხრივ, თელავის მუნიციპალიტეტის გამგეობა წარმოდგენილი მისი გამგებლის-**ალექსანდრე შათირიშვილის** სახით, ვაფორმებთ თანამშრომლობის ხელშეკრულებას და ვთანხმდებით შემდეგ ზე:

I. ზოგადი დებულებები

- 1.1. თანამშრომლობის ხელშეკრულება განსაზღვრავს ასოციაციისა და თელავის მუნიციპალიტეტის გამგეობის ურთიერთთანამშრომლობის წესსა და მოვალეობებს. არეგულირებს საქმიანობას ორგანიზაციულ, საფინანსო და წესდებით განსაზღვრულ სხვა სფეროებში.
- 1.2. თანამშრომლობის ხელშეკრულებით გათვალისწინებული პირობების შესრულება სავალდებულოა ხელშეკრულების ორივე მხარისათვის.
- 1.3. მხარეები თავის საქმიანობისას ხელმძღვანელობენ საქართველოს ორგანული კანონი- „ადგილობრივი თვითმმართველობის კოდექსი“-თ, „საქართველოს სამოქალაქო კოდექსი“-თ, ქვეყანაში მოქმედი კანონმდებლობით, ასოციაციის წესდებით და ასოციაციის სხვა შიდა სამართლებრივი აქტებით.
- 1.4. თანამშრომლობის ხელშეკრულების მიზანია უზრუნველყოს თელავის მუნიციპალიტეტის გამგეობის ინტერესების წარდგენა და დაცვა საქართველოს ცენტრალური ხელისუფლების ორგანოებისა და საერთაშორისო ორგანიზაციაციების წინაშე და ამასთანავე, ხელი შეუწყოს საქართველოს ადგილობრივ თვითმმართველობათა ეროვნულ ასოციაციას თავის საქმიანობაში.

II. მხარეთა უფლება-ვალდებულებები

2.1. ხელშეკრულებით ასოციაცია ვალდებულია:

- ა) ხელი შეუწყოს ხელშემკრელი მხარის მონაწილეობას თვითმმართველობის განვითარების სახელმწიფო პოლიტიკის დაგეგმვასა და განხორციელებაში, მიაწოდოს მას ინფორმაცია ამ სფეროში არსებული მდგომარეობისა და სიახლეების შესახებ;
- ბ) ხელშემკრელ მხარესთან ერთად განიხილოს თვითმმართველობის განვითარების ძირითადი პრობლემები, დასახოს მათი გადაწყვეტის გზები, კოორდინაცია გაუწიოს სამოქალაქო ინიციატივებს;
- გ) შეისწავლოს და მოახდინოს არსებული გამოცდილების განზოგადება; პერიოდულად მიაწოდოს შესაბამისი ინფორმაცია ასოციაციის წევრებს;

ქ.თბილისის კოდი: 98100000 - საჯერო სტან-შეწყობა მისი/საქმის

დ) ორგანიზება გაუწიოს და ჩაატაროს სემინარები, სამეცნიერო-პრაქტიკული კონფერენციები და სამუშაო შეხვედრები;

ე) უზრუნველყოს თანამშრომლობის დამყარება საქართველოსა და საზღვარგარეთ მოქმედ სხვა მსგავს ორგანიზაციებთან, ამასთანავე, მოახდინოს მიღებული ინფორმაცია/დოკუმენტაციის დამუშავება და ხელისშემკერელი მხარისთვის მიწოდება;

ვ) მოახდინოს თვითმმართველობის სფეროში მოქმედი კანონებისა და კანონპროექტების შესახებ გამოთქმული შენიშვნებისა და წინადადებების შეკრება, სისტემატიზაცია და ანალიზი;

ზ) ხელშემკერელი მხარის მოთხოვნის შემთხვევაში გაუწიოს საინფორმაციო და საკონსულტაციო მომსახურება ადგილობრივი თვითმმართველობის სფეროში მოქმედი კანონმდებლობის გამოყენების, თვითმმართველობის სამართლებრივი აქტების საქართველოს კანონმდებლობასთან შესაბამისობაში მოყვანის საკითხებში;

2.2. თელავის მუნიციპალიტეტის გამგეობა ვალდებულია:

ა) დაიცვას ამ ხელშეკრულების პირობები და ასოციაციის ორგანოთა მიერ მათ კომპეტენციის ფარგლებში მიღებული გადაწყვეტილებები;

ბ) დადგენილ ვადაში გადაიხადოს ამ ხელშეკრულებით გათვალისწინებული შესატანი;

გ) მონაწილეობდეს ასოციაციის საქმიანობაში;

დ) მიაწოდოს ასოციაციის ორგანოებს საქმიანობისათვის საჭირო ინფორმაცია;

III. საწევროს ოდენობა

3.1 ამ ხელშეკრულებით გათვალისწინებული და ასოციაციის წესდებით განსაზღვრული საქმიანობების შესრულებისთვის ამ ხელშეკრულებაზე ხელმომწერი მხარისთვის - თელავის მუნიციპალიტეტის გამგეობისათვის საწევრო შესატანის ოდენობა განისაზღვრა 1830 (ათას რვაას ოცდაათი) ლარით.

3.2. ასოციაცია ვალდებულია ყოველწლიურად მიაწოდოს ინფორმაცია ასოციაციის წევრებს საწევროების ხარჯვის შესახებ.

IV. ხელშეკრულების მოქმედების ვადა

4.1. ხელშეკრულება ძალაში შედის მისი ხელმოწერის დღიდან და მოქმედებს 2017 წლის 31 დეკემბრამდე.

ხელმოწერა: *თელავის მუნიციპალიტეტის გამგეობის* *მ. ბერიძის* *კ. ჯაფარიძის* *16.03.16-წ*
V. დასკვნითი დებულებები *31.12.16-წ*

5.1. თანამშრომლობის ხელშეკრულებაში ცვლილებები და დამატებები შეიძლება შეტანილი იქნეს მხოლოდ ორმხრივი წერილობითი შეთანხმების საფუძველზე.

5.2. ხელშეკრულება დგება ორ ეგზემპლარად. ერთი რჩება ასოციაციას, ხოლო მეორე ინახება ხელშემკერელ მხარესთან.

VI.მხარეთა რეკვიზიტები:

**საქართველოს ადგილობრივ
თვითმმართველობათა ეროვნული
ასოციაცია**

ქ. თბილისი. კოსტავას ქ. №75გ 0171;
ტელ: 2726734; 2726735
ფაქსი: 2907484

**თელავის მუნიციპალიტეტის
გამგეობა**

თელავი, ერეკლე მეორის გამზ. 16
ტელ: (0350) 27 23 00

საქართველოს ადგილობრივ
თვითმმართველობათა ეროვნული
ასოციაციის პრეზიდენტი

_____/დ. ჯიქია/
„16“ „მარტი“ 2016 წ.
ბ.ა.

თელავის მუნიციპალიტეტის
გამგებელი

_____/მათირიშვილი/
„____“ „____“ 2016 წ.
ბ.ა.